

卷之二

雋區

來爽居藏板

題雋區

頃余以使事抵江右迫於



簡書母敢踰越跬步蓋中懷

有歎然者三事匡廬接壤未能

枉道登覽慰生平夢寐之思一也

信國公墓在文水不遑展拜二
也文章節義之區勝友如雲而
輜軒所至每多匆遽言能訪求
同釋典相披對三也抱此三歎非
獨身鮮韻骨六緣束多隱憂

猶幸兩阻盱江一涉麻姑順流至
僊巖獲覽怪異之跡過信州
與鄭君胄師相聞也胄師名
高望偉以著有清言耳新
等書遠追臨川近掩欠山諸公

傳四區
業已紙貴祝苑今又新輯雋區
一編著述之富善日新月盛且驟
南北諸史而起乘矣於今風雅
凋謝文統不尊不腴東吳夙
紹斯文之緒綿延未絕而只

漸以凌替巖山正派畢竟在大
以之右山川霸矣古氣石礪落豈
依然解所題數語以附蘭藉
寧敢謂曹師玄晏中執

庚午陽月竺塢山史文震孟題

雋區
于為侯使館



雋區目錄

卷之一

名在會元上

鐵鼓

護篆使者

孫明府

酒芝

執弟子禮甚恭

前山鼓吹

捉蝶

葬法櫻龍怒

半日醒

去偽之兆

雪清

興安俗

珍珠八仙

生子戍宦所

猫五惡

白鶴樓渡

鄭宗伯却金

熊報

為民除蠹

轉盼飛來富貴

卷之二

曉暢方畧

現神木

慷慨有大節

玄隱丈人

裴槃

此舉百年未見

譚友夏

能別鳥音

有味乎其言

短視

婁妃書

富而好義

白氣

為尋本師來

樹豈倩風

連城令

問松園恠石

二事

鐵井欄

葉吏目家梨

辟穀

卷之三

功名早遲有定

打破虛空

臥遊

湯儀部答書

好爲詭譎

令攻苦之士鼓壯

溫海棠

無網之災

吳術士星數

死交

戲爲聯句

場中莫論文

鄒公履

接巖十景

楚姬

山陽菴初結茅

勞山道人

徐子曰

徐給諫好士

岑山跨蹇

牛靈異

地震

得情不易

唐棣逸篇評語

齋僧米

君自無耳

卷之四

單知

非常飽供

一方無懷葛天

藪品

太史碎金

兩韻皆有攻字

漢任昉

郡縣名同

默念臧武仲

錢神

李杜齊名

洪中丞

頓空

池水變赤色

金拱元

古句

楞嚴密咒

書名家

傳奇

卷之五

郭使君

枳園

極詩體之幻

呂純陽

龍頭美談

策蹇榮于馳驛

推誦

緬國赤銅

木桐驛

神鴉

虎爲守山門

徐孝子

方竹

心術逕庭

貝代錢

羽士夏一達

遽易葛巾

徐婢

尋穴脉一按

潮水巖

卷之六

五色聯

報施奇奏

崑愚

白龍池

中郎實蹟

龍舉

龍嶺王

無首猶伐鼓不休

苗俗

德勝門

父不可朴

唐園

今顏子

擁出綠牡丹

一時孕婦愈奇

能

坊移

攘臂射虎

鏡粘壁

紫燕集前庭

牧羊山樵

卷之七

骨力男子

鬻產募壯士

玉章

何伯亨

故父傳語貯金

古墓中鏡

負人倫之鑒

廣訊

一門孝感

古牆上桃花

野牛

用易若神

哨兵又一苗

巳巳子

朱公遠見

三月週一省

彘惟

刑曹錯悞告假

依律斷

蜂房

設肆京口極溺

古樂音節

簫聲似鳳鳴

楊維斗

卷之八

元年元日春

樛木之應

長山鐘

秦虎

文昌經條

盧怒生別詩

十八儒生寫經

傳法人至

王莊簡

脆蛇

易圃叢林

憨師注道德經

鄭氏女

文學政事

舟次遇雪句

康道童

秉金剛心

听聽本兩字

鶴卵

捷音尋到

卷之九

鄭孝子

馬妾

師福吾村

陳侯公

穢跡金剛咒

閻君交代

醉如泥

吳孺人相法

塔銘

紫霄寺

林中翰兄弟

一口頂上

鄒洗馬

黃幅書六人姓名

兩人之讖

啖糠

家犬吠為生客

風鑑奇中

合州守

於陵仲子祠

鱗甲不生

術報

世壽八十一

卷之十

劉李二將軍

金蓮

三筓皆立

魏督學

油井

毛劉八字同

黃太常書

孔爺

田生金

補天之餘

合蚧

七月十七夜

惜舊破物

儀制令

耳鼻皆能書

白兔

田道人

世說索解人少

野客

言必稱師

肉蓮花

神虎

韶州大樟

逐瘧文

耳談

詩所應有

香汗鐵布衫

黑珠

雋區目錄

雋區卷之一



信州鄭仲夔胄師撰

武林洪吉臣載之閱

名在會元上

宗室登賢書自天啓辛酉始江右則瑞昌王孫
統飾首應其盛飾至崇禎戊辰得雋南宮考中
翰林庶吉士先是周相國延儒嘗夢閱登科錄
見飾名在會元上私擬謂必殿元也及題名在

三甲以爲夢當不驗未幾館選錦名列第二十
其二十一名曹勲則會元也始訝夢之奇驗如
此

鐵鼓

懷玉東嶽山有鐵鼓是成化年間物乃余邑徐
某捐資所鑄萬曆末年居民於土中掘得送至
山其形絕類鼓叩之亦鏗然作鼓聲

護篆使者

鄉民黃廷棟妻于巳巳歲產一兒人首而蛇身
舉家大駭欲以畀之水兒忽作語曰我本太乙
真人護篆使者以微過見謫得托生君家若不
見育將使我不免有再投胎之苦耳吾能爲君
家致福幸無見溺也黃異其言乃使乳母育之
兒善乳一乳母不足以供其口黃家故饒裕乃
多雇乳母養之兒初生時能言此後依然默默
每飼乳飽時輒熟寢去醒則求乳乳飽復寢如

故但其下體甚滑不可提抱惟以一盒盛之夜則置堂中高潔處先是其家多災患或致人構訟無已自兒生後輒安靜無事黃爲邑之三十
五都人

孫明府

弋陽孫明府森字子桑常熟人寬惠慈下尤好禮賢于余有國士之遇每人郡延見必款談移日或問民間所疾苦及已失事曰苦不自知與

一聞過俾得改爲幸亦徃徃就余居相訪商畧古今不復修賓主禮余一日便道過弋陽明府招飲欲舉戲而梨園先赴民家召已登壇就演矣明府亟止勿更召曰渠以慶會客且滿奈何以官長奪之令四座無色且吾輩清譚見滋味不勝彼艷曲雜嘈耶相與高譚竟夕盡歡而散明府嘗與余論天下名士或有未識者卽折簡紀之其篤名賢之好如此

酒芝

李太史明睿會試時過臨川某孝廉飲出麻姑酒有甌泥堅不可脫李取席間筯搨之泥嚼筯不得下拔之不出李取石剖去泥見甌口有五色芝香馥殊常乃私取藏袖中歸以供養是科遂捷南宮

執弟子禮甚恭

養大師初出家時拜一道者爲師相隨將一年

後見道者無意精進辭去遍叅名師遂大了徹歸而卓錫鷲湖大振宗風從學者數百餘人前道者別師後亦雲遊四方杳然不知去向者三十餘載矣一日忽自詣山中知賓接見卽大言曰盍令若師親出迎我知賓恠其妄因問道者何人荅曰爾第入傳語有三十年前道人來此渠當自解耳知賓如言以告師遽曰此余始出家時師也因趨出延至方丈執弟子禮甚恭凡

飲食供具咸一一手致自讓所臥榻安之卽溺
具亦必親爲提携道者居數日辭行師懇留此
休老道者固辭師不得已因厚贈而別師謙光
厚德於此可見一斑彼世有以讀書輩稍足自
豎便謂業師且掩已若欲避弟子之名而不得
者聞此獨無慙乎

前山鼓吹

郡西十里曰朱溪有徐氏別業已巳秋諸文學

讀書其中忽聞前山鼓吹聲訝之因共往聽至
近寂然無聞歸又復嘹亮清徹如是者七八日
不知主何瑞應

捉蝶

有童子好弄蛺蝶或至戲其生命一日閑步公
館生生泉見隙地有舞蝶栩栩井旁急逐之隨
失足井中與蝶俱死

葬法櫻龍怒

余師王遐仲先生以理學名儒爲士林所推恬
淡高潔不營名利雖家無儋石之儲泊如也卒
時至不能殮門人輩醵金助喪鄭宗伯以偉重
其人遠于赴弔更爲詩以哭之有曰此骨宜葬
寒梅邊者于時以爲知言師少時得異人授精
相地法嘗爲鄭文學國經卜地語之云地且大
吉但葬時當有火患耳方開塋鄭厨下失火撲
之得滅以爲言且驗師曰未也至葬時其家果

復失火止焚其屋不及他舍因請故師曰此龍
方位在離離爲火葬法必櫻其鱗龍當怒然久
之相安發祥方大耳未數年國經稱弟子員今
其家日隆隆起矣

半日醒

相傳寧州風俗人皆嗜酒每日間止有半日醒
至午後則酩酊相視問事懵然一無所知雖隸
于公者亦然王孫幼晉嘗有句云沉醉一時如

太古

去僞之兆

今上御極改元崇禎聞者私喜曰崇禎去僞之兆也未幾魏璫伏誅

雪清

雪清者宜黃人年十四美姿容落落寡諧工詩畫尤善繪梅鵲欲畫時必箕踞山水間留連竟日中有所會縱筆揮就見者疑爲真鵲往歲有

宜黃友人曾以一幅見贈余珍惜特至每一披展如晤對其人也

興安俗

興安俗凡人家出喪必以兩人帶鬼臉身着絳衣前導而舞及城門而止

珍珠八仙

天啓丙寅歲浙江烏程縣雙林鎮河下蚌忽出珍有一人獲蚌剖之內有珍珠八仙及珍珠壽

星又一人持二蚌出水將及岸忽墮一于水中
再覓不得取其一副視有珍珠象棋子十六枚
與前所墮水者必一副也其人不勝快快事在
是年七月望日
粵中有某令甚貪婪怨聲載路父老至今談之
酸鼻于任生一子後卽戍于宦所

貓五惡

貓有大惡者五人多不察凡人家有重病者必
有貓日夕向其舍悲號至病人將革往往稱見
貓入室其惡一善搏雞與捕鴿惡二翻人屋瓦
致漏惡三竊食恬不畏惡四聞羶腥必趨逐長
叫惡五至若鼠雖無良然亦有可取者一凡一
方將有火災必於一月半月之前絕無鼠跡蓋
鼠能先知是亦有足取也

白鶴樓渡

庚午四月間有衆于白鶴樓前過渡一僧後至牽所跨蹇驢欲共載驢不前加鞭再四終不肯登舟有頃載胥及溺死者數人僧嗟訝不已

鄭宗伯却金

鄭大宗伯以偉家居端脩介特官長希見其面以起用赴京道過武林有織造坊商人欲支庫藏金一萬而當事以非所急持重不與渠聞宗伯品望素著度一言旦夕可發乃持五千金來

于宗伯却之曰今國用告匱此定不急奈何以自利之故爲國家妄耗多金且焉有君子而可貨取耶其人再四祈請終不一顧

熊報

劉廿四善獵有熊爲衆所逐犇入夏公厰熊猛獍衆圍之三日不敢近適劉在鄉歸聞之卽持鎗往衆見劉當先膽氣加倍隨之入與熊相格熊力乏而斃他日劉復往鄉間獵夜夢一胖大

黑人盛怒而前曰吾與若自昔無冤我前爲衆所逐與之持三日不能加我若持鎗來衆恃爾善獵乃敢直前因亂鎗斃我致我死非命者若也爾陽數未終吾無奈若何當以一炬相報耳劉夢中猶作怒以拳揮去拳着壁間而醒手爲立腫越數日劉自製銃藥備獵用忽火自着燒其面大至潰爛一月方愈物之有靈如此

爲民除蠹

蕭郡尊思似直隸涇縣人在郡多惠政尤喜爲民除蠹郡之鉛山爲八閩衝會冠蓋絡繹而役夫隸藉者絕少徃徃雇之民間四方無賴子爭應其募以故官楨屢被掠去至不可稽有宋三四者尤爲渠魁先是一府幕署鉛事宋以掠楨被獲或教幕無苦刑宋第令其多報富人名謂贓物實寄其家可獲無算于是幕以宋爲奇貨而富民盡無辜繫繫卽稍足衣食者亦受其害

臥不帖席者數年宋反得善脫由是盜風愈熾
莫可誰何公蒞郡卽廉得其情宋故不悛他日
復以掠楨被獲訊之妄扳富家如前公怒責之
曰汝作不義寧有以盜物寄他人耶嚴鞠吐實
就其家搜出贓物一無所失不妄及無辜一人
尋令斃宋于獄中盜風遂少息民間賴以安堵
一郡稱快

轉盼飛來富貴

同里陳時用買一蒼頭年十二是運船上携歸
轉鬻者此生在陳家且十六年運水負薪不辭
勞勩第言大志大陳夫婦撫愛特至而其家小
郎君每以事見撻不勝篋楚撻時則曰不當留
一絲情分異日好相見耶小郎則益怒且詈且
撻倍有加焉有星家爲生推造云當有飛來富
貴在轉盼間耳歸卽沾沾向主人悉其語且曰
卽富貴不相忘陳還詰曰富貴當何自來生笑

而不答已巳夏間因小郎督責不堪奔往龍窟
爲運糧官桑千總撐駕一路服侍惟謹舟次滄
州遙望深林內隱隱見大石牌坊乃指云此中
有先人壠在焉當往謁同舟人皆哂其妄則曰
吾家張姓曾大父尚書大父知府父亦廩於庠
此一一不欺耳或愈哂之謔詈交加生必欲往
桑聽之有好事者隨之行果有張尚書墓生前
謁拜跪如禮有守墓數人前曰郎君何以謁此

生曰此吾先人壠也余年十二時往鄉塾不幸
遇暴客將手抹余額忽然兩邊皆水一虎尾余
後惟前有路可行遂憑其指引鬻于廣信糧船
上尋携至上饒更鬻在陳家傭極苦楚者屈指
十有六年今隨桑千總解糧赴京舟次此地識
爲祖壠故特謁耳詢其家中祖父俱物故矣因
潛然淚下守墓人熟睨良久伏而請曰得非吾
家七郎君耶自郎君被掠遍訪不知去蹤乳母

爲伊冤死者三家僮斃于杖下者六且疑伊叔
氏謀害構訟至今莫決今何幸且歸遂使人報
其家生之母尚存卽遣人巾服來迎生復往船
上別同舟者桑遂禮以上賓有頃輿從畢至桑
命以舟中鼓吹導送歸第入門拜母畢舉家相
持而哭尋出堂上受從人叅拜羅列不下百餘
人咸俯伏于庭生各有指揮從者唯唯謹隨
交鎖鑰百餘收小米一百七十石畧計家貲百

萬同舟人送之歸者俱留一宿各贈以二百文
後吾信糧船燬于虜桑走滄州往謁生與款燕
詳述其家中事且云歸踰季母尋故矣服闋倘
得營仕大邦當再圖報也因厚贈而別吾信各
糧船因亂離至滄州者俱受其惠或款留或助
費依依有并州之誼云或曰生幼時曾議婚一
編修女今其小姐尚守貞待字歸而畢姻尤奇

雋區卷之一

信州鄭仲夔胄師撰
南州朱寶符夢得閱

雋區卷之二

曉暢方畧

陸兵憲夢龍蒞黔中制府檄點視諸軍時黔兵
多冒濫遇點則雇倩以應每十計不過二三人
稍急之卽羣噪制府以下無所問者陸初至卽
示期清查七軍令各爲魚貫集責院身坐大門

禁闌入者時各兵思得點過者出則更番應點
至是術窮第七軍高拱北號兵四百應點時止
得五人遂立斬高拱北先後汰兵萬人今邊餉
繁興國用匱甚然隸藉者不免多亡是公輩安
得孜孜奉公曉暢方畧盡若陸公者出一清宿
弊哉

現神木

嘉靖己巳倭薄台太平城且陷忽關聖帝現身
木末倭驚乃遁今邑人祠祀甚謹縣令亦脩朔
望禮五月十三爲社會魚龍百戲窮極奢麗計
費不下千金其現神之木是南城儒學樟樹陰
蔽數畝

慷慨有大節

徐比部大儀貴溪人端介直諒遇事慷慨有大
節當魏闖擅恣有同官被削狼狽去國所知無
敢謁者獨徐以單騎送至都門外相與泣涕而

別

玄隱丈人

墨曰玄隱丈人硯曰石平仲水注曰壺公鎮紙
曰不動尊者護書曰督郵使畫曰面壁大士燈
曰普明道人念珠曰百八僧榻曰臥雲居士幅
巾曰方上人酒曰中山隱者茶具曰煙火神仙

裴槃

台州興善禪堂有裴槃粘壁書云天地生我幻

中幻塵世相逢誰是誰父母未生誰是我一息
不來我是誰語甚有悟字亦道勁

此舉百年未見

陸兵憲鎮偏橋時偏橋城郭久墮橋梁圯官無
居舍獄無防守苗朝夕入城恣掠人莫敢櫻思
南石阡銅仁三府協偏橋馬價久不至郵馬絕
居人咸遁去興隆至鎮遠馬爲偏橋越站亦斃
幾絕陸至葺衛署居之繕城修梁命鎮遠太守

督三府馬價盡給之設法以平價雇馬馬始通料兵日出訓練之以計獲斬苗之腹心何滿苗懾不敢動路瀨殘于苗村無居人分兵三百以許攀龍戍之招集流離垣其堡梁路瀨澗紅黑苗犯思州遣田可達將二百二十人戍却之尋復謀犯益以馮高百五十人苗聞兵至紅苗伏不復出黑苗至途而走兩江苗圍鎮遠之施秉縣報至卽發兵令闌司白來譽馳赴之約曰苗

甚衆先威之後撫之不至苛求然必不以常例剝諭也自偏橋抵施秉設往來飛報苗出不意散走而左右望白以兵夜半脅平槁寨遲明平寨見兵臨其上遂納款施秉縣民不數十家米無可糴哨兵或謂苗官兵無後繼但坐視數日退矣陸露檄各營堡通道梁槎人咸言陸率大兵旦莫至復以計令其曹自相譎遂俱納款先是黔楚例苗說其酋至不入城爲會于郊剗牛

以花紅犒之曰剝諭苗偃蹇醉飽獲賞歸卽作
賊至有當盟所卽盜牛馬去者至是不賚尺帛
一錢令苗自割雞向官發誓設再逆有如此雞
獻牛四頭贖罪納弩納鎗納刀以示不犯納鋤
犁盡還二百年侵田陸令縑牛皮四門以示
之苗云我嘉靖間破施秉城後大兵剿我止納
二牛耳諸父老咸咋舌云此舉百年未見也

譚友夏

譚友夏元春其尊人嘗客襄陽舟旦發忽聞岸
上悲啼聲急停舟問之知爲里役移失多金懼
無以償官欲赴水死譚心爲惻甚特慰之曰姑
無然若金故不失隨開篋中取一大函畀之其
人曰此非吾金何得妄取譚曰第將去少解燃
眉之急何不可其人再三拜謝而去時友夏尚
幼初不知此事也至天啓辛酉友夏落第方鬱
悒夢人謂曰譚生宜自鼓壯無隳厥志爾父襄

陽事發矣友夏驚而寤不解所以歸家以夢告
母且請曰大人得無有不善事于襄陽乎母以
有此夢母乃爲具述前事友夏喜愈攻苦不休
至丁卯秋果登楚書第一
能別鳥音
余邑陳學博國華閩人能別禽音時目爲今管
輅
有味乎其言

萬曆壬子江西鄉試首題爲正唯弟子不能學
也時有一士子謁舒元直問此題當作何主意
舒曰有何主意但上不涉文莫吾猶人下不涉
子疾病有此等七篇文字在場內皆可元爾可
魁矣然八字若好卽涉上下文意亦不礙中余
當時聞此語以爲言之抑何太甚繇今還憶殆
有味乎其言之也

短視

余目不能遠視然當莫夜熹微之下人皆不見
滿余反能舉細字朗朗可誦以質之短視者盡
然蓋神藏而光聚故也或喟余曰君所謂明足
以察秋毫而不見輿薪矣余曰不然君子之所
不可及者其唯人之所不見乎一坐皆笑

婁妃書

江西省城永和門三字是婁妃所書書法遒勁
可觀妃爲余邑人以賢淑聞當寧藩逆謀時屢

爲泣諫

富而好義

新城楊太學思庠富而好義每歲積穀不糶至
米價騰湧時始平價以鬻貧民多德之爲子延
師尤極致隆余友楊因之思本其家昆季也人
師經師特重當時然太學自其名未噪時延爲
西席迨今十有餘年隆禮不衰有如一日因之
每省試行李居停之費俱取資焉太學諸子若

傳圖
居理居台居吉暨長孫日升遂爲新城後來之
雋居理庚午以年少登賢書蓋令德之報方興
未艾云

白氣

神宗晏駕前一日有白氣如匹練橫亘宮城良
久化爲烟雲騰殿屋上都人士皆見之

爲尋本師來

萬曆戊申間浙西一僧行脚四方每經聚落城

邑寺院遇二時粥飯未食時將飯食少許投入
竹筒次食餘者晝夜不識單鋪或處門外山林
樹下隨處自在口誦密經將竹筒飯食施禮虛
空河沙品類如此圓行終身不改一日至溫郡
名藍夜宿門外以便施食知事僧不知其故疑
有異心特拒之因拂袖而去是夜山犬亂吠衆
僧謂是鬼魅咸驚起出視若聞有人聲云吾非
鬼也特爲尋本師來耳衆問本師爲誰荅云知

事僧所逐者卽我等師幸卽尋來滿我意願次日着人遍覓遇之郭外衆請還止寺中其夜山犬不鳴衆僧拜迎至方丈永爲住持至今叢林大盛

樹豈倩風
非代月映澄清緣生若也知無性剎剎塵塵總

覲丞土人名大尚貴溪人秉性謙和宗乘戒慶一一成熟嘗有秉拂頌云樹豈倩風搖榦葉水

妙明偈呈特爲養大師所稱許命居首座大闡法乘著有金剛正旨鷲湖新集續五家宗派等書戊辰七月望後身畧違和書偈別衆曰三十餘年湖上賴師及友相獎于今撒手便行性月中天浩蕩因舉手謝衆者三元然坐化停龕一七面不改生又有濬空上人名成導臨寂亦跌坐作一偈徐擲筆微笑而逝

連城令

郡永豐先達數十年內令福建連城者三然皆
不吉初庚戌俞進士廷華選連城令未之任卒
又王貢士兆熊授連城蒞任兩月而卒又乙丑
徐進士際旦初令錢塘後改調連城在任及暮
忽夢王大尹來謁且爲之視脉未幾疾作遂不
起徐君令兩邑而皆有清譽云

問松園恠石

張雲從問松園多蓄恠石有丈人石小石鱗行

雲石龍頭石石玦海犀石角秉圭石靈芝石雲
鬢柳腰石獅蹲石石聖人枕肱石青雲芝天孫
石梭石擎補它巖石供廬山石筆閣雲從各爲
記辭韻妍絕可入欣賞編雲從名文龍廬陵人
兩爲邑令早歲掛冠是真能踐泉石盟者也

二事

己巳歲余邑徐貢士子以應試求籤不吉怒撻
土神越數日忽發狂疾而死撻時有一小僧與

浮屠所居
謂之伽藍
浮屠佛也
佛塔曰浮屠

同事亦相繼死又庚午秋有徐比部侄在報恩寺求筭戲以筭擲伽藍歸而疾作其家延巫處禱巫稱渠觸一神當不救未幾死二事皆鑿鑿在人耳目誰云神道遠也

鐵井欄

弋陽城中有高井其井欄是鐵所鑄濶數圍居民取汲甚衆經旱不涸

葉東目家梨



88
德